

卷之五
戊申孟秋鐫

衛輝府志

本署藏板

續編府志目錄

三製卷首

圖圖卷一

卷二

卷三

星社第三

卷四 形勢附 祥異附

古蹟第四

新編府志 目錄

卷五

地理第五

卷六

山川

卷七

夏邑

游梨

河防

卷八

羅城

里社

鄉莊附

市集附

附錄第六

卷九

卷十

城池

公署

學宮

書院

學田附

倉庫

調定

水

火

驛站

兵防

增補志八

卷十二

職官一

卷十三

職官二

卷十四

職官三

卷十五

職官四

卷十六

職官五

田賦志九

卷十七

則壤 成賦 雜稅 鹽引

戶口志十

卷十八

風俗志十一

卷十九

風俗 方言

食貨志十二

卷二十

祠祀志十三

卷二十一

學校志十四

卷二十二

選舉志十五

卷二十三

十四

卷二十四

生下

卷二十五

進士 武舉 武職 廢襲 封贈

卷二十六

人物第十六

蹟 賢哲 儒林 道學 忠節

卷二十七

名宦上

卷二十八

名宦下

卷二十九

政績

卷三十

名臣

卷三十一

文苑 武職 方輿 耆老

卷三十二

卷三十三 孝義一

卷三十四 孝義二

卷三十五 隱逸 流寓

卷三十六 列女上

卷三十七 列女下

藝文第十七

卷三十八 詔 制 表 疏

卷三十九 贊 賦 議 辯

卷四十七 賦

卷四十一 詩 謠 辭

卷四十二

碑

碑

碑

碑

碑

卷四十三

碑止

卷四十四

碑下

卷四十五

記一

卷四十六

記二

卷四十七

記三

卷四十八

記四

卷四十九

傳一

卷五十

傳二

卷五十一

碑道碑

諫

祭文

卷五十二

墓表

墓誌銘

序錄第十八

卷五十三

雜錄

卷末

書

姓氏

舊跋

雜說

廣志卷五十二

藝文

墓表

遼魯花赤追封伯速哥察兒墓表

花赤速哥察兒西夏人也歷事三朝以子貴

初贈奉議大夫汴梁路治中驍騎尉追封南樂縣子配康

樂縣君再贈中議大夫河中府知府上騎郡

尉進封魏郡伯南樂縣君進封魏郡君繼郡伯世爲河西

著族父哈石霸兒兒善騎射饒智畧臨陣摧鋒所向無敵

太祖皇帝嘉其誓勇錫名霸都母蔑里吉氏以癸巳歲生

郡伯體貌魁偉氣識英邁少親行伍長益練習器甲堅整
馳驟勁銳應變赴急奮不顧身定宗皇帝選直宿衛謹飭
敏給甚稱使令從憲宗皇帝征伐不避艱難不憚勞苦凡
所俘獲悉不私有丙辰歲以功受濬州達魯花赤時軍旅
繹騷徵役煩重中州彫弊土廣民稀五能惠愛撫綏如古
循吏於是流逋四集田野日闢境內大治中統二年山東
亂作奉詔扞禦南北斬將二人尋賜二疋提問賞銀百兩
回賜所獻二馬在官日久與濬民刻安世漸平定無意仕
進買田築室聚陽山下治生於此居二十年乃終終之
至元甲申正月壬戌也

至元甲申正月壬戌也

陽山康里郡君

倫理家至老不倦子哈喇哈孫讀書通文瀆大德庚子
授承事郎江西等處行中書省左右司都事郡君受祿
壬寅正月甲辰終壽六十九歸柩合葬郡伯卒後三十年
當延祐戊午子改授奉議大夫同知江州路總管府事始蒙
恩封贈二親又十年當大定丁卯子以中議大夫漢陽府
知府致仕再蒙恩加封具書諭子臨川吳澄曰哈喇哈孫
生甫四歲先父郡伯已不仕莫能詳其施政郵民之實聞
于先母郡君者百不一二然欽承天渥榮貴泉壤至再倘
無文追述以示方來非孝也是以竊有請焉予素知江州
二侯之賢今而又得知其先世累功之恩信乎水木之本

顯也乃不辭而叙次其世如左孫男三脫因江西行省史
先授從事郎臨江路錄事司達魯花赤今授承事郎吉安
路吉水州判官納嘉德從事郎澤州路安化縣達魯花赤
兼勸農事其季賜進士出身承事郎江州路瑞昌縣達魯
花赤兼勸農事將父命請余文者也女一曾孫男九女二
詩繫于左詩曰皇元啟運羣力蝟奮虎豹效猛鷹準競迅
桓桓魏伯西土奇儁先朝舊臣致此胄亂入扈禁庭恪守
忠盡出備戎路卓冠行陣皇選爾勞宅物于濬濬民父之
千里河潤盡省夫耕夜息乎燧有牛濕濕有犬狺狺世皇
龍御電掣雷震將同軌文首創方道禹八爾牙可布可信

沐浴太和勇退怯進乃治田廬乃釋綬印闕里相歡歲月
一瞬英嗣闔興克邁前訓秩秩訐謨郭郭游刃游釜盤根
徐櫛亂鬚繼棄二車爰倅列郡身名屢遷家閭益振帝制
榮寵光彼幽櫬階職焜煌勲爵崇峻生若沈冥歿也赫焮
才猶在昔人用弗盡遭遇在今天報罔斲窮碑勒美百世
不磷不磷維何子孝孫順

明熊廷弼蘄州先生馮上知墓表

萬歷丁酉秋蘄州先生以司馬大夫主楚試不佞弼出其
門下首舉士也以奉先生意氣易忠之訓太過於世多憤
厲寡所諧荏苒二十餘年而先生以丁巳乘箕於是光祿

阡之草鞠矣書牲石者高邑儕鶴趙先生也庚申冬弼以
經畧遼東聽勅歸過亢村其介弟上賓孤兆麟持狀來會
屬以碑版之役念筆不堪驚投之已久寧能令有道無愧
然國士之感昔人所欽以比部尉之喬公也猶云車過三
步腹痛無怨况吾儕小子之於先生乎乃還里纔數月病
鬱侵尋未暇捉筆而隨以遼陽陷今上念前勞特召起弼
卽日就道再過亢村停輿半晷爲先生力疾表之蓋先生
大小馮君之後也家世奕奕太師贈公才而數竒竟以明
經補武學博士先生生絕穎弱冠遊膠庠壬午舉孝廉己丑
成進士令安肅有穢柱之風三輔貴戚望之而輯訟堂如

亦無帶煤里胥吏卒不敢以一錢自尉傳驛米鹽曲折
軍興科徭其了了有成事無計者馮中丞臺役乘遽黜邑
而暴輒銀錙錙致之中丞臺爲立斃焉且以相賞蓋京兆
三王所鮮儼云當是時臺省爭得先生爲快而中有忌者
遂用計部召無何調司馬大夫無何典楚試調天官大夫
昭公論也時場中解首已有擬者先生與源明先生親搜
落卷一得焉遂援筆定曰其探囊龍子得珠矣而弼遂獲
哀然魁諸士與等命蓋子成者未嘗不感愧泣下也先生
味神義繁風厲繼舉有落落不可一世之意直指固一科
起家於譙會爾疑其輕已也銜之因劾麻城命波及元生先

生上列自鳴亦據直指短得董勸一時議者雖心直先生而不能微議指於臺省之交護竟量移留都起都郎旋丁
贈公憂哀毀幾滅性以太夫人感喻乃噉一盞米柴立而
也服除不之官不數月輒假歸日奉板輿爲歡笑也無何
遷計部大夫而太夫人又仙逝矣先生讀禮之餘慷慨料
天下事掛辨曰吾向以二尊人故未敢致身且銓曹粉
者非專有言責今大事喪矣吾將以圖稱于聖明適正陽
門樓災題抗疏曰臣讀史至隋季人主荒謬跡其所爲不勝
不休乃知孟氏所謂安危利災洵非虛語今陛下翻極將四
十載居簡務靜藏垢納汚有天地之德神仙亡木干戈收

剛厲然若吸髓吮血不啻雍氏之藟崇使慄慄黔首跼高
跼厚不復有其生此真安危利災者何與殆皇天所弗與
也今歲轉秦晉齊蜀滇閩流移遍野相掠相食至父子夫
婦不顧則斬木揭竿之難在中原九邊軍餉不以時給全
陝餉運僅十之七山以西三鎮無論木歲其二十六七兩
年倘負欠至八十年當風雨雷電何能禦此則脫其 謀之
難在塞下卽不幸二難起而胡虜生心嬰我有事侯焉新 門則
士女震動京營太倉徒有其名文武朝士高者能爲構陳
而已孰練一卒出一騎驅枵腹之人以折衝禦侮者城

一閉節金玉不可食而蔽國在舟中臣不能爲陛下計矣
臣言幸而不中社稷之福也不幸而中則大事去矣嗟何
及矣疏入不報然識者避之以爲賈長沙莫過也今者東
事壞視先生之言若左券乃先生之言中而先生已矣嗚
呼天之不憖遺此一老也小子何述焉輿瓢之多篋書之
滿浸假先生而在其必有以坐銷之顧貳光祿勳未幾竟
爲考功法所不容夫不容何病不容然後見先生耳先生
亦從此隱矣小築郭西澆花釀酒日與清人韻士杯筆詞
賦相往還塞耳不復知毀譽事所著有詩門稿南遊稿里
居山遊諸稿行於世先生爲人高朗亮拔恒慷慨憤俗

毅然以世道自任中懷有梗而不能平者務達其意乃已
以故於世多不合而賢哉有志節者咸宗之後益從趙先
生究心理學海內方望竟其用而卒齋志以歿表不濡六
有識無識皆惜之宅如懿嫩醇德居爲鴻楷出爲羽儀并
世系子姓載銘傳中不具論茲舉其生平之大者於驛邸
中潦草表其一二將以風焉

明張行可中順大夫郭公孔完表

定國村之中有大賢曰郭公以已成之德爲可見之行其
處已待人趨慕而後往在待選之出雖未克往石廊廟以大
傳其所學既卒後爲人所傳頌者不衰信一代之偉人也

以播休光于弗朽者也公諱孔完字元成姓郭氏別號前
川新鄉戎海人也嘉靖二十九年閏六月初四日以疾卒
于官王闡之痛悼不已累致奠賻遣官同子生員行之護
柩還家卜以明年九月二十一日從葬于先塋之次以行
可知公者也不可不衰夫誠齋先生六子公其最幼者誠
齋以詩中宏治二年河南鄉試任湖廣京山令有政聲既
憂去復爲山東臨邑令政聲視在京山者益著尋遷武
華母扈氏初扈氏懷娠每有紫氣充庭越異日公遂生
歲能解書傳大奇誠齋嘗授以詩隨口成誦及其長

識者見而奇之曰此國家材也正德四年入學

十二月初八日訖齋在官以疾卒

既號立步奔直抵官舍扶柩而來既葬遂廬于墓側日夜
哀號有鶴夜鳴人以其孝感所致三年之喪畢不起或勸
之公曰凡人求仕雖爲君大抵爲親也吾父既終矣吾胡
起而求仕或曰公不起爲父得矣獨不爲母乎公惕然曰完
有罪矣幸君教我遂拜謝而起今上龍飛之初實嘉靖元
年也公卽以易領博南鄉薦尋以議論不合于禮官退歸
田里凡五經義重秦漢以下諸文章大家一覽輒悉其旨
趣嘉靖八年九月二十九日母卒哀哀懇懇相諸兄以舉
喪葬咸適禮度既喪事謂戚屬曰吾始不能養吾父今又

不能養吾母以死吾徒矣復廬于墓側誓將終身焉君子
曰昔孔子語曾子以孝始於事親中於事君終於立身行
道揚名後世以顯父母子蓋思之公感激之遂謁銓授陝
西興平令興平素爲豪悍時且大肆而歲又凶民好訟獄
租稅逋負公至拷掠不加使訟獄者必盡其情逋負之在
民者爲緩期而胥徒侵蠹必置之法時弊一新民皆忻忻
然有喜色而相告曰我興平之得賢父母也如此豪悍亦
皆斂跡是時邊警交馳上官以各縣城卑行文增修興平
獨先期而完池下無水公欲引馬鬣泉以固泉去縣四十
餘里說者曰前王父母曾鑿地使來未得今引之恐難公

曰水陛下因其勢而導之未有不至者遂作文以
溝渠而水至矣民稱之曰神郭爺咸寧缺官守巡
檢
會議咸寧省中鉅縣必得賢能者乃可遂以公白于
委以掌之興平有訟獄者亦赴咸寧以辨而曰郭公至
無私城隍廟有生祠存焉居任五年中丞任公劉公直
便公魏公咸登獎薦未嘗敢以興平令視公矣其政蹟
經上奏將候考選而吏部檄到以公守涿興平百姓扶老
携幼送于郊且哭之曰我興平之無福也奪我賢父母矣共
刊石志遺愛焉至涿密邇京畿豪右富強與官爲家
獨單微靡所依控兼之近侍紛紛誅求無厭故守涿者率多

以是見累公方以治興平者轉而治豸皇上以國家稽諸周制封建親藩爰設長史之官以統僚屬責任攸重恒難其人特擢公爲伊府左長史公則效陳仁義軼寓規誡凡厥藩政多所裨益六年之間勞勩著聞王敬重之請于朝進階中順大夫服俸如之方荷錫命而公卒豈非天哉距所生宏治五年八月初一日至卒之年得壽蓋五十有九矣公自少讀書便以天下爲己任有大志恥以文士取名愛慕張宣公爲人推明義利雖一毫不苟取天性至孝儀狀魁傑見者莫不改容自三光五雷之氣分七無節義君子往往與時抵昂求之古人若漢董仲舒唐韓愈宋韓偓

其時遠弗究大用所幸已成之德可覓之行則當嚴之俗
山以俟後之君子其他則畧之蓋已備於幽室之銘云
明郭滄後山公干之墓表

郭氏世爲新鄉人所居安仁里自勝國傳至今城東五里
許庄址存焉先世學瓏相傳在何村東畔以兵燹譜牒不
可考明興始祖欽扞定國村是爲定國里人欽生永堅以
歲首任陵縣主簿廉正自律嘗解草蠶數千會場火監者
欲移劫匿無正色拒之悉登籍詳見邑志永堅生溫溫生
鄧宏治邑西舉人歷武昌府通判秉直好義才明壽壽八

尺餘人望之若神明然所至有惠政稱循吏見臨邑志郁
生孔嘉配王氏生府君諱干之字自強號後山始爲諸生
有聲邑庠無何曾大父捐館舍家務劇遂輟業以歲荐入
成均歷官名山主簿趙府典寶府君性仁厚里稱長者事
親以孝聞母病卧榻垂十四年非大故未嘗去側飲食必
躬進便溺起抱歿爲哀毀骨立喪殯稟文公禮屏浮屠不
用旣葬奉主飲食不祭不先嘗旦暮焚香孺慕至終身不
少替伯父歿乏嗣多藏諸弟爭取之獨爲歛舍不一問
也曾大父積貲厚邑人持去權子母事實易輒數百金曾

大父變乘之匿負約數千金時空券而已邑令某索券爲

諸身身者... 無福次之以次... 猶懷碗不已... 嘗識會座客... 裴生者... 生... 裴妹次也... 素不檢以... 語左... 酒喚府君... 面扶之... 起竟... 我... 弟... 姓... 不能堪... 峻止之曰... 此妄人者... 何足與較... 不爲姑... 天地... 耶... 嘗於... 關中... 卧而... 同會生某... 徑入持錢數貫... 趨去... 竟... 醫... 一... 語... 想... 會生... 某... 輩... 每... 聚... 譚... 好... 媒... 詆... 人... 府... 君... 暇... 憐... 然... 去... 處... 欲... 聞... 居... 夫... 之... 對... 府... 君... 言... 不... 敢... 及... 人... 私... 無... 賴... 子... 方... 橫... 行... 肆... 然... 誰... 極... 見... 蕭... 蕭... 數... 退... 君... 子... 曰... 實... 德... 之... 感... 人... 猶... 湯... 沃... 雪... 也... 郡... 守... 陳... 公... 國... 壽... 古... 循... 吏... 風... 出... 入... 屏... 驛... 從... 嘗... 單... 騎... 行... 縣... 問... 民... 疾... 苦... 時... 歲... 金... 幣... 弊... 丞... 廉... 府... 君... 行... 詣... 每... 至... 邑... 必... 造... 廬... 訪... 焉... 坐

語良久將爲具飲食命以粗糲進每具飲食羹蔬菜數簋而已後以事過邑必來訪令請入公署則曰吾自有賢主人欲晤時或以事他往必坐俟之嗟乎府君儒生耳行不致則聞不孚德不可以挹取則禮不可以游加陳公者忘券下士覈然世俗之表而猥施禮遇久且益隆其投契必有以也代旣降矣王公鮮禮士之風守牧闕延賢之典心知其賢而倨不能降節不可折也襲者所爲豈習見於今世之人哉吾以爲陳公者尤賢官武崗慕清約自甘選名山無道路費刺史蔣君憐之適有妓院當撤風之市賄纔發語見府君面赤已之自爲愧數千金以行至江陵不給則

涪家嚴躬率以謹厚治理不敢使一念蕩弊於家故於事
之成否常斷以理人之休咎恒必以天往往不失尺寸其
爲信所不敢屑越實有証云邑人嘗請容同儕中有敢爲
失證者其先實有數百金負歸而偶與先君言之且戒曰
勿令爾兄知也彼優薄爾人言之矣其處念每如此生正
德庚午年二月初五日辛酉歷壬午三月二十四日年七
十三先君喪禮畢陽府通判李氏贈太夫人太安人
萬曆丙子七月二十七日先府君卒病且革請先君曰必
葬我衡水之陽妻女書舍我魂魄俟汝丁丑葬於西原

平府君某將以暇卜重違遺言既安厝矣宅兆未卜姑爲
待之而誌銘未備先君奄忽棄世可勝痛哉形骸者流僉
謂吉天之報施善人若是與人享何真也因繫淚列次據
所記聞表之難卒特其大畧云

明郭澆伯兄松石先生滂墓表

余祖名山縣主簿後山公之仲子爲余父潁州府同知瞻
澳公配余母王宜人而生男四長伯兄諱滂字伯方號松
石縣學廩膳生員次仲兄諱涓禮部右侍郎兼翰林院侍
讀學士贈禮部尚書次叔兄諱滂鴻臚寺序班次澆伯兄
長仲兄二年伯兄童時相携就學於然吳乎他兒也

續有聲諸生開州應省試而時大疫伯兄疫沒仲兄於見
秋舉於鄉今四十餘年矣伯兄之墓木已拱而余父母之
墓在輝縣趙壘村仲兄有塋葬於魯保村叔兄附焉獨伯兄
子然依余祖之壘之在是豈可無一言勸之石示余之後
世乎伯兄生於嘉靖辛酉二月二十四日終於萬歷戊子
六月二十八日年二十有八時余幼小不能詳記其言行
而余父母兄皆棄世無可問者伯兄之生皆攻苦舉業之
時亦無多可記記余母言伯兄之孝也記不詳者姑缺詳
六事余祖母病不食而忽思食生殺時殺未熟也余母急
疾之不得而伯兄編搯之野得數穗若將熟者歸而余母

件舊穀爲粥余祖母食之有新穀之味焉余母竭心力事
祖母每如是而伯兒竭心力稱余母之志也其他亦類是
性端方而慷慨余兒時記其見人之匱急卽捐已之有濟之
善無難意記其與仲兒同試仲兒冠羣生而伯兒不與入
學縣令將爲請乃伯兒歸矣問之云吾不願爲求得之秀
才也此可集余伯兒之爲人伯兒之幼端凝而仲英敏皆
異材仲兒官詞林三十年究心國務自國有遼難以來言
出皆歷歷驗目擊遂沒卽上疏言國之要急而驅車北上
當時風聲大惡驛路止仲兒一人携家北而餘皆南及送
送南者忠憤蓋稟焉恨及都門而沒有志者皆借曰如假

不亦有可觀者乎更可惜矣伯兄之配王氏先伯兄一年
沒生一女在伯兄沒之前一月沒天覆地載而世遂無余
伯兄音可痛也夫伯兄沒後余父哭之痛命余日竭誠時
祀之則彼之神存後余父在太學思家信不得而夢見伯
兄無言而手拈月余父曰於是月之杪當有家人至已而
果然余母哭之痛時夢見之有言皆非偶然一日夢見之
語余母曰無異矣看吾弟吾弟後當作尙書後果然是昔
可謂善矣嗚呼之筆將何足盡矣中之精在祠堂者之餘
性善之士每日吾交爾爾嗚呼祀者伯可痛也夫余父母

之志念伯兄之無祀也凡吾子孫世祀吾伯兄內則其祠
外則其墳必誠必敬毋但以文行山如屏衛水如帶永焉
爲期舉酒以酬

國朝魏聚樞孫徵君墓表

康熙十四年四月二十一日徵君前明舉人孫鍾元先生
卒其年冬十月葬於輝縣夏峰之言原又八年蔚州魏象
淵表其墓曰先生諱奇逢字啓適重元其號保定之容城
人大父臣嘉靖辛酉鄉薦歷會河益鹽運司運判父丕振
邑諸生先生年上七舉萬歷庚子鄉試與定興鹿忠節公

其表爲文以聖賢節義爲宗

六經發爲文章皆自抒心得不屑詁詞章也性至孝
子父母憂哀毀成疾喪葬一準古禮偕兄弟結廬墓次者
六年巡按御史以聞下詔旌焉家故貧糞殮常不給有巨
室以金粟餽者姚却之一日與鹿公講學自晨至日昃蒼頭
持豆麪作羹以進怡然無不足之色嘗言從憂思抑鬱中
默識心性原本生平學問實得力於處夫散末魏忠賢竊
柄荼毒正人在忠毅光斗魏應節大會屢思介順昌先後
被逮三君皆與鹿公爲友於先生有師受之知時鹿公贊
高陽孫文正公軍於榆關先生遺書勸上書高陽曰左

魏諸君善類之宗直臣之首橫被青兇有心者誰不扼腕
者盧次輒一舞男子耳謝茂秦以布衣爲行哭於燕市曰
諸君今不爲盧生地乃從千載下哀潮而弔賈乎李獻吉
在獄何仲默致書楊文襄求一援手康德濟至不自愛其
名左魏之品可方獻吉非次輒所敢望某一介書生無由
與訴尙慙茂秦閣下名位比肩文襄豈致出德滿下乎高
陽覽書卽具疏入朝由陳軍事將爲請公申救忠賢聞之
謂高陽與晉陽之田夜繞御床而泣乃曉詔止之時左評
賊二萬魏周皆數 嚴期追比子君子性清白吏

殺善爲三輔屯田使有遺愛又嘗言

其時羅校嚴急士大夫觸手糜爛其親戚故交鍵戶謫
先生慷慨急難呼號同志禍福不足動其心而禍亦卒不
也高陽知其有經世才將題授職方郎與共事先生知將
不可為自陳願老公車不敢看途求用當以盡推舉墜
不就崇禎丙子容城被圍土垣將圯率宗族同黨矢志
禦城賴以完巡撫都御史漆其事特詔褒嘉南興都傅
范公景文聘贊畫軍務亦籌策危時秦晉且陷寇氛漸逼
都城携家天易之五公自結髮雙鬢爛黨門人依以自保

者數百家飭武備定條約暇則講詩習禮修冠婚喪祭儀
節簡而可行干戈搶擾之際絃歌俎豆遠邇服其總教盜
賊聞而屏跡時以方田子春徐無終焉 國朝順治初祭
酒薛公所蘊具疏讓官兵部左侍郎劉公餘佑及巡按御
史薦刻數上先生堅臥不應蘇門爲康節魯齋讀書地泉
石幽勝遂移家築堂名曰兼山讀易其中子孫耕稼自給門
人負笈來者日衆先生涵養益邃每晨起謁先祠畢澄心
端坐雖疾病未嘗見惰容接人無貴賤少長必以誠有請
問者隨其淺深傾懷告之無不人人自得子孫甥婿數十
人進退揖讓皆有法非耕夫牧豎亦知尊敬持節范彼

二卒士大夫弔哭屬路不絕市者罷買耕者廢耒習學使
檄郡邑列祀百泉書院容城夏峰皆立專祠祀之先生著
書甚富理學宗傳表周元公以下爲十一子別爲諸儒考
附之蓋出獨見非欲附會聞者其學主於慎獨而於人倫
日用體認天理常曰喜怒哀樂中節視聽言動合禮子臣
弟友盡分皆終身行之不盡者自言生平年愈進功愈密
天理二字是千聖心傳非語言文字所以承當世之學者
不務躬行惟騰口說徒增藩籬於道無補體先生之言可
以自悟矣過其墓低徊瞻仰當有慨然興起不能自己者

則先王之風教愈遠而彌新也

國朝方苞新經暢公泰兆 表

故工科給事中素菴暢公嘗與故戶部侍郎將樂廖公蓮山同爲縣令江南所治隣接康熙庚午爲鄉試同考官以志相得文皆互閱公見苞文大異之質之廖公亦稱善交論力薦雖卒無成而一時皆以二公爲知文廖公官江南及京師久時得從游而公終身僅再三接雍正六年秋公之孫俊以平生父中掄命請表墓距公之歿十有七年矣公始令祁門誥豪蠹革水確私餽里下雜供及補稷山偃介關塞會大師征焉爾時有司安也數祠及祀定義合

獄既成者二革積糞十六條邑故荒殘瘠村陽平東
述亡尤衆公招徠給牛種而緩其徵歸者相踵鄉鄰亦
及市集爲隣邑棄奪者盡復之稅八里爲祠歲時聚拜
熙四十二年行取補禮部主事尋擢工科給事中方欲
張忽中風痺遂告休公友弟聞於鄉事繼母誠孝奔喪
絕數日殺如知次子新喪嗚呼觀公之質行吏治信可謂
修飾之君子矣然非養求表面以鄉人崇祀之籍來雖久
豈如荀亦未之前聞也昔李翱會章嘗歎然晉以後文憲
麻雖有殊功建德非常之跡亦簡鬱而不章而余考

請志銘其親知故舊或以小善見錄而衆載其言用此知
沒世之稱亦有幸有不幸焉廖公治休寧及居臺中刻九
卿皆有聲惜余從游時未叩其詳後谷分散道里遼遠喪
紀莫適獨居私念未嘗不以自咎也以余恨於廖公之無述
則俊之請又惡可得而辭公諱秦光字子交河南新鄉縣
人康熙乙卯舉人己未進士卒于康熙五十年三月十七
日年七十有四祖諱四肢廩生父諱策治丙戌舉人通
經學喪祭一遵朱子家社 贈奉政大夫祀鄉賢母王氏
贈宜人妻郭氏 贈宜人繼楊氏封宜人子三人中振中

年生早卒中論郡廩生孫三人 子生俊郡廩生

二月十八日自奉命赴之北鄉平原官人新法東門上士考
述

國朝殷元福張公來意墓表

嗚呼此新邑國學生候選州同知張公之墓碣也公諱來
章字載見號陽谷世爲新邑著姓本生父諱如蘭國庫生
三從父戶部郎中嘉月先生卒於京邸無子族議賢以公
繼焉時八歲嘉月先生南望塋公先生之從子也諱誠舍
時司空謫壽豐而農部又卒家業式微九首百是之徒磨
牙駸目矣余覽觀公器宇凝定識者知其不可奪云矣好

客喜士振貧扶弱一時號爲小孟嘗司空公卒於簡所康
熙三十六年蓬 單恩例應歸骸而部議頗有異同時司空
舉君望江公出塞經理勢難兩顧公謂機不可失緩則誤
事慷慨北上滌懇當路卒得請而司空得遂首邱公絕口
不言勞邑至今稱之鄉先達爲祖若父輩行皆折節與交
先是公之過房農部也祖妾李氏才且賢實飲食教誨之
李卒公哀感路人雖六旬餘言及李輒涕泣凡成法不變
必曰庶祖母嘗云如是余心儀之以爲似公安袁中郎中
郎於庶祖母詹氏解官終養文辭懇切與令伯陳情表同

李氏行公其子部士憲宋散女

幾墮入公以孤稚持門戶未及博學不克辭以達

郎爲可惜耳然抑棄盤鬱之意若耿耿不能下今何
嗚嗚感慨於李之德亦可知其聞於朝廷者稔矣公

公闡幽以爲卽此一念可貫金石而他日之營歸可空

魄家山皆此一念爲之根柢也而或謂禮父妾無子爲子不得

稱爲庶母况在於孫此膠柱而鼓瑟也若所言中郎豈不

學者哉兄玉蟠先生稱詹姑而已稱庶祖母語固各有當

耳公蓋暗合乎禮以義起之文矣配任氏公嘗稱其爲新

婦遵李指畫不取忤自秉闈政條分縷析井然有法能終

李之志前公卒合葬王喬營舊阡公世系十姓卒葬城月詳

行述茲不具載銘曰好客自喜人號孟嘗紀羣之聞遊多
父行余擬其神謂似中郎中郎有筆公志未詳後之子姓
展墓者尙知仁孝澤長而生氣之不亡

國朝張大有新鄉殷公元福阡表

君諱元福姓殷氏先世山右鳳臺人始祖茂遷汲郡新鄉
縣會祖科績學早世妣梁孺人祀衛國節孝祠父祥蕃文
行卓越著聲膠序卽學者所稱祿伯先生者也君誕時祿
伯先生夢神語賜五福兒因以名君字曰夢五君生有夙
慧八歲通四書小學近思錄十一歲而五經紛綸矣其爲

明善以去先民不逐時趨遠方問業於余表行在表不以

君爲工於文二十有二歲其後多士明年以道
其爲詩廣懷肖物和平溫厚館閣諸英交推瘳和來足也
以君爲工於詩康熙丁丑 聖祖仁皇帝擇詞臣時聞不
壯者俾爲令長於時君得粵西之柳城癸未兼統融縣也
甲申丁母憂去官己丑補得江南之武進癸巳兼統無錫
篆及督捕水利別駕仕凡二十年懸車而歸展拜先墓持
終身之喪焉其宰柳城也重農興學變澆風毀淫祀首于
蠶烟垂雨中舉行鄉飲酒者賓與禮務獫獫環觀卽願就學
焉立義館墜目田主各率子弟就塾肄業獫獫徼徼如此秀良
可知也其他異政種種于古探前去之日野老婦孺奔號

攀留舟不得進者數日隨立祠祀之其宰武進也吏以君
書生迂謹捧贖嘗試君裁決如流咄嗟之間部署宿牒數
十事發奸摘伏明違若神豚吏盡役悉置諸法武邑額賦
十萬積逋且數十萬詭寄朋侵莫可窮詰君從容釐剔條分
縷析後來者奉以爲法去之日邑人亦立祠祀君遊與柳
城相望司月且者以君爲粵西之慈母而爲江左之嚴君
即知同歸殊途慈母嚴君其本一也謂君之工于詩與文
者猶是也羣飲于河各充其量而已高安相國朱公撫瀾
勸教文書院甄陶吳越多士以君爲之師有德有造絳帳

小德軼事多詳家乘暨志中余與君爲同年友知之最
深竊慕中郎之義以有斯作其辭曰古汲邠水黃河山蒼
山毓偉人希明道希伊川惟孝友居家理治移官學優仕
仕優學功循環爲神君爲慈母民所便尊碩師收良友士
則稱曰文八甘詩伯窺一斑其生榮其死哀有以焉謹載
筆勒君德萬斯年

國朝重漢儒董講妻李氏貞烈墓表

大夫卒之明年是爲嘉靖二十四年五月下旬弟婦

李氏待釐芹泮以父喪董治墳墓弗獲調理有

講年十九歲以篤實醇確之資有志聖賢之學見母王氏病其食之上下色之憂喜湯藥之嘗床榻之侍几所以事奉者悉盡心焉母病篤不忍舍講以手執講手張目視視頃之氣絕仍未放講因母故後夜則合目即見晝則張眼欲穿憂思成疾臥床三月於本年十月二十七日而卒婦李氏丙戌進士李君凝忠之姪典膳李君凝善之女庠生李棟李梓之姊妹也年甫十六娶方數月吾母太宜人叙其溫良沉靜慎而寡言匪但鷄鳴之勤女工之善且孝於姑舅當於夫子上事祖母太宜人太宜人許其賢氏見講病

床遂無意於人世而後賢蓋天小以治身者皆母功也

世家事氏曰未在家計件件皆爲我有夫不在家
我有况家計乎偶罄婦丐至能說古今賢孝言及史
爲夫死節氏歎曰此正吾之事也彼未子歸尙能如此况
成夫婦者乎裂襪布二幅賞之見僕人飼馬語諸母曰
馬不肯雙鞍烈女不嫁二夫世之夫死改嫁者寧不有愧
於馬乎諸母訝曰汝有此志與日與汝立牌門氏曰只了
我一身清不管他門不門時值天寒勸授綿衣氏曰夫病
若此安忍授衣見與講制棺氏曰前此猶望痊可今若此
絕望矣飲泣不能言以後絕不飲食諸母以爲疾授以藥
餌亦不用諸母冷檢講衾衾爲送終之備氏先將已之衣

物貯之箱獻於諸母且曰此物今日與汝別再無用汝時
矣後將講之衣服檢出嗚咽不已講體狼狽頭繞蟻虱氏
撫其首捫而齧之曰虱多不禁一嚼我獨何愛一死意蓋
輕生就義也講將母所遺錢數百獻於外婆曰遺命顧養
天乎今不能矣氏亦將前日姑沒伊父母所送孝布二端
獻之諸母曰留此汝夫故作孝衣氏憮然曰今日爲夫服
孝衣他年猶啣地不如意蓋與之同死也講臨死氏覷面
問曰我欲先死恐汝生反爲無益汝旣不生我決與之同
死今世不得爲夫妻死則爲夫妻今不死再無可死之日

此則一錢不直犬無不食其肉矣

與諸女以時而夫婦俱亡嗚呼痛哉死後三日氏之父
克女眷視之神色不變凜凜然猶有生氣蓋得之天金故
耳及視前所狀箱中衣物是夫家所制者依然如故其氏
父母治喪之物盡毀棄之以示無復用意隣里親故初以
氏之一死爲慷慨殺身孰知從容就義其貞之素定有如此
伯父僕需哭曰子之爲婦且凌厲而冲勁仗節死義見之
真切原其本雖貴其妻而僅禮之化未必非本諸君伯父
兄弟文獻之風有以起之也吾輩宜大哀其死不忍畏
殺命漢記諸墓表乃撰漢爲之墓銘曰致其死節教孝類

身節則殉夫頌爲恩親巍巍婦德哀兵子心一金良知千載慕倫夫孝婦節汝死猶存痛汝弗庇勉汝以文

國朝朱軾殷公誥善旣表

昔成湯以商代夏盤庚遷殷史冊殷商並稱無異微子以殷王元子封于宋孔子宋後自謂殷人殷之受姓固古聖哲裔也而新鄉之殷則自澤州遷定理遷縣南永城店爲土著八傳至隱君科公祖也科生時雍郡增廣生是爲公父公諱祥善字祿伯生而穎異不凡母李早肯依祖母梁授公讀于床第間輒能上口稍長就家塾過日成誦不忘見

者將爲小一子年十二應童子試

政日起而公岸然以大儒自期待時取小學近處錄報
不釋手曰此作聖門声吾當奉爲嚴師徒端實青紫之需
非夫哲人以是益奇之十五增廣公捐館舍公至性過人
哀毀欲瀕祖母泣論之曰爾任至重嫡母弱弟何弗思乎公
拜情節哀哭如禮服闋味手歸悉出元配曹太孺人在
中物爲糖具時歲方歉衆難之公無愠色祖母嘗曰若可
謂識大體矣教兩弟先後入庠勞逸與共弟以食指繁謀
析爨從便公推費產與之自備以館穀繼母鄭太孺人之
養則不專委所生家政井然長幼尊卑各循其分無所乖忤

書云惟孝友于兄弟施于有政公允蹈之矣繼母有弟以
誓誣被逮公挺身代辨太守叱其多事公本母命辨其
冤何爲多事竟獲昭雪跡其生平雍容樂易恬然不輕出
語而義烈無選悞態蓋大儒有體有用之實學克展其才
建樹未可量也食餼三十有八年艱于科名亦不廢意與
劉君子靜爲同心友嘗公病革子元福方總角援手授
子靜曰恐讀書種子斷絕敢以菟孤累足下命元福拜且
曰他日不齊志讀書甘自暴棄生無拜我墓側死無見我
地下子靜泣涕受任其後子靜設帳于家則延元福子子

子靜曰恐讀書種子斷絕敢以菟孤累足下命元福拜且

而獲傳早在托者爲知人在受托者爲有信論者壽之
元伯范巨卿不啻過之鄉大夫擅人倫之鑒者嘗曰殷祿
伯德器渾成黃叔度之流亞也其爲名流推重類如此予
謂公之生賦兩間清淑之氣獨多率其性真卽爲正人君
子而又沉浸于小學近思錄諸書探先儒之精蘊始而趨
之正終而造之醇士林宗焉鄉閭化焉至今噴噴人口古
云蓋棺論定今輿論定而品行耶矣老於青衿爲不遇享
年五十有七爲不壽以子貴膺爵典傳之無窮則亦未嘗
不遇來嘗不壽也元福字夢五娶西解首舉成進士授
翰林院庶吉士與余爲同館更官京師迂拙博臭味過從

甚狎姻子知父爰掇其學行彰彰者表諸隧道後綴以銘
銘曰盤庚建國殷號伊始姓氏傳香英賢接踵自澤遷衛
定居仁里十世深培家聲隆起公具慧性受書床第未及
舞勺已稱佳士硯田自供無缺甘旨孝友同推洋溢遐邇
學宗儒先濂穢融滓鬱于其身鬯于其子中秘恩榮 綸
章寵被公德是宜受之非侈執友曰劉苞長其是子不
終交全生死既昭輿論將垂信史餘風不泯水流山峙

墓誌銘

唐魏徵邢國公李終墓誌銘

天造草昧之初有聖經綸之始原鹿逐而猶走騰鳥

山之壯氣控御英傑鞭撻區宇志逸風颺勢傾海岳或

九請封幽谷或八干以勅鴻濛夏殷資以興亡恭漢由

重德功驟乎躬立奇策敗於垂成仰龍門以摧鱗聖天

池而墜翼求之前載豈代有其人者哉公諱審字玄遠隴

西成紀人自種德降社宏道垂風道碧海之長瀾疎聞峰

之遙構家傳餘慶明哲繼軌論文德則懸諸舜禹語武功

則經綸秦漢其餘令望且公且侯垂翠綬掩鳴玉者蓋亦

者舊未得盡傳良史莫能詳載矣曾祖淵周大師上柱國

衛公祖擢周太保魏公受寬隴上柱國大將軍涼州總管

蒲山郡公匡周之美。呂望愧其嘉謀。平吳之功。杜預慙其
遠畧。公渥注龍種。丹穴鳳雛。降列象之元精。稟成形之秀
氣。雲生五色。一日千里。起家左親衛尉。東宮千牛。備身趨
馳。武帳輝映。廊廡出入。龍樓光生。道路隋文帝精華已竭。
義不斷恩。始闕凌長之源。將致覆宗之禍。公見機而作謝
病言歸。優遊經史。晦明臧用。風塵靡雜。賓友簡通。交必一
時之俊。談必霸王之畧。尚書令景武公楊素崖岸峻峙。天
資宏亮。壁立千仞。直上萬尋。嗣關西之孔子。追陝東之姬
且深謀遠。鑑獨步當時。公年甫弱冠。時人未許景武。一見

其神。博其深。出乃命。君子從而文焉。結其命。終之期。以

死生之分豈有隔二世肆虐黔首三集義氣五古忠於妖
災所臻匪維血落星隕怨端所動寧止鬼哭石不轉城陷通
于天下徭戍窮于海外冤魂塞宇山自青原日墳草發
掘城郭邱墟萬里蕭條人烟斷絕公與楚公叶奕其拯橫
流未息瀛海之波幾及昆岡之火亡自遺中窺身草澤奮
臂大呼羣雄響應豹變梁楚鳳翔羣鴻據放度而塞轂輪
登太行而臨白馬九服諸侯四方敵傑或跨州連郡或稱
帝圖王合盟締交爭七秦族者莫不驅車青犢肯被黑山
長戟以雷奔望高旗而雲集不期而會者以百千數送
大開幕府肇啓霸圖教七擒以宣威掩八纒而取士麟羽

其草草澤無遺於是發人東國化之播仁義以乘之應時
機以鼓之總羣衆以決之九野風馳六合雷駭彈壓趙燕
長驚江漢世充甚昆陽之敗揚帝同望夷之禍化及師殲
於黎陽建德稽顙於河朔七國之地四爲我有五都之所
三在城中獵騎千羣長戟百萬飲馬則河朔可竭作氣則
嵩華自乘近無不懷遠無不肅聲溢寰宇威福中外屬人
神之之主以天下爲已任荒裔佇來轡之望遺黎有息肩
之思雖賁下民伊頽然非上帝所臨此志最於人謀雄圖
屈於天命始先鳴於大樹終垂翅於羣孽乃眷西顧舉茲

國公其光輝與及歸處未震王自爲謀去當世有勳矣
多出其右故吏後來或居其上懷漁陽之憤憤馳從吳賊
後列同淮陰之怏怏羞與絳灌爲伍負其智勇頗不自安
俄屬元帥秦王經營灑洛公亦親承秘策率卒先行旣出
鳴鷄之關方次休牛之寨詔令旋旆更盡嘉謀公想雲夢
之僞遊慮青衣之詐及心解魏闕之下志在江湖之上慕
范蠡之高蹈追赤松之遠遊熊耳峰危羊腸徑險降吳不
可歸蜀無路短兵旣接修途已窮陰陵失道誰展拔山之
力騅馬不逝徒切虞兮之歌臨陣喪元時年三十有七故
吏上柱國黎陽總管曹公徐世勳等表請收葬有詔許

焉公體質貞明機神警悟五行一覽半而十年雅著書劍
尤精文史輕一夫之勇學萬人之敵至於三令五申之法
七縱七擒之功出天入地之奇拔織羅沙之策莫不動如
神化應變無窮負縱橫之才遇風雲之會望紫氣以驥首
凌扶搖而振翻總不召之衆問獨夫之異從我如流三分
將二遂有囊括四海之志負吞六合之心既而神器有歸
朝宗天闕率從義之旅爲勤王之帥更以名重自疑功高
是懼將遠遊以逃難翻途窮而及禍惜乎高鳥未盡良弓
遠折敵國猶梗謀臣已喪天子過細柳而興嗟聞鼓鼙以

診憲惟重其人節方中昭喪之禮粵以武德二年某月

曼世網共涉艱難感意氣於一言託風雲於千載所恨并
歿唐代不列元凱之功俱爲漢臣獨漏山河之誓是以慟
深樂布悲甚向雄慮陵谷之推移勒斯銘于泉戶庶使神
遊楚國無歎項羽之臣魂往齊都不愧田橫之塚乃爲銘
曰如馬君臣猶龍周史宏道百世邁德於祀帶地深源極
天峻峙玉種逾潤蘭芳不已成形騰氣威象降精餘慶種
美惟公誕生少表奇智早擅英聲符采發越志畧縱橫隨
道方衰始聞凌長護茲兆亂緜然長想閉關晦迹招弓莫
性靈恒利居不嬰世網運否道消時逢改卜朱旗爰指紫

靈已哭野戰羣龍馳走原鹿競窺周鼎爭亡秦族時遭變
屈運偶鳳翔劬勞百戰經營四方振蕩六合牢籠八荒始
開楚霸終基漢皇羣雄並起莫恢王度聖人既作皇天乃
顧爰自東夏言遵西路來擬寶融寵逾英布爵窮五等位
登九練帷幄參謀高衢騁力海運方遷圖南未極縱壑摧
鱗摩天陸翼熊耳失路新安殞身長男喪楚少女留秦驚
魂靡託反覆何因列樹松楸唯餘故人

唐秦賈榮陽鄭府君遇博陵隗氏合祔墓誌銘

鄭之先自周皇封舅之地因而氏焉別派五流深源遠至
是以榮陽之望得爲首稱其下公侯接武台衛繼迹雕軒

國表尉之泉數也高祖世城皇左司郎中磁隰二州刺史
新鄭縣開國男食邑三上戶曾祖元嘉皇新都長水縣令
襲封新鄭縣開國男祖存常皇吏部常選襲新鄭縣開國
男烈考探賢皇魏州昌樂朝城華縣令府君諱邁字行甫
皇試太常寺協律郎文業著於當時禮義備于儒行少有
倜儻之志 負瓊瑤之名不苟譽以求容每親仁以竭愛
爲中外模範成友朋宗師樂善孜孜不愠知鮮量苞江灑
氣合鳳雲今之古人人唯上士神不優德配壽胡蓋先夫
人之亡蓋世一霜也享年六十夫入博陵崔氏令門清族

餘慶承善四德兼脩六親雍和仁讓得於天真慈惠立于
素尚母儀內則動靜可師禮行詩風進止成法雖姪好女
史大家經教承之於諷習推之于行源者亦異代殊人其
歸一旨未亡之嘆孀齡杳然玉没何先蕭彤遽至以大中
九年正月十七日病終于淇澳之私第享年七十有六以
大中十二年四月二十七日合祔於先塋之側其鄉里原
觀之號載於舊記此闕而不書女一人適范陽盧搆之嗣
子六人長曰頊攝汲縣丞知縣事早亡次日珮早亡次日
蓮次日玘次日璿次日琬咸繼遺芳女修至行銜哀茹毒

色... 路云止門幾

美令令德履芳甲族齊盛身英華克彰允文武
揚蘊儀度兮闔門譽長珠沉玉沒兮人誰靡傷
兮共泣摧香垂修名兮允謂不亡傳盛事兮多載彌光
悲風兮松韻迥剛刻貞石兮永志元堂

宋李珣杜公式墓誌銘

子正諱式邠州潁城人也少喪父母家世理相慨然自
嘆曰行年弱冠不留心經史以取第貴者豈有志於西
北但未能行素願耳然朝聖取士必求其多著者藉茲
功幸何難之致家雖貧萬觀若浮海者邊知臣價致美
仁棄其重系乃昭憲之裔時侯爵未傳禁遊汝州

嘯聚良善被害境內爲之騷然上方急於用公以才武稱
遂除沂州穆陵關巡檢公職若捕盜訓練士伍朝夕爲備
以待不虞一日寇至受命亡身冒矢石寡不敵衆我師
敗績殲於賊及乃慶曆六年七月十一日也享年五十忠
義之節屹若山立大志未伸奄忽淪亡此真不幸也仁宗
聞之以爲惻然特贈率府副率錄其一子會祖灌祖綬父
可成皆積德累仁不仕於朝公後以子貴累贈左監門衛
將軍娶王氏贈仙居縣太君男一人曰紹皇城副使克紹
先烈爲時名將天若假之以壽其宏謀遠畧異日之功名

豈可量也女四人皆已出適孫男二人曰大忠任三

差使楊建次適宋剛中次適進士王仁裕次向幼會者
一人曾孫女一人皆幼以元祐元年丙寅歲五月戊辰
十六日壬午舉公之極合夫人王氏葬於衢州吳璠墓
開管常村之原此所謂能當其大事者也璠與公聖朝之
舊嘉其志而憫其情遂爲之銘銘曰惟忠與義天之所
庇屹屹杜侯才博氣銳秉節不阿砥礪於厥終與璠共
嚴風天子念之錄于旌忠力不遠來奉誓之銘誰作
賢孫嗣公葬此銘詩藏之幽宮

宋秦觀元龜表元李公簡直墓誌銘

元祐三年春三月上始臨製策有司所貢士被選者凡數百人而廩延李君爲第一君諱常寧字安邦自嘉祐中舉鄉進士數爲春官所却至是始獲奉大對於廷上刺六經之文旁獵百代之言下通常世之務其詞與衍有漢唐之遺風進御一讀遂爲舉首天下莫不異之是時朝廷耆老謀王體斷國論者皆累朝舊臣君於斯時年踰知命毅然得雋於翰墨之塲世以爲萬戶侯如契券取也而君釋褐授宣義郎簽書鎮海東節度判官是歲六月以疾卒享年五十有二有司以聞詔賜錢二十萬緡其家天下莫不悲

之君因於科舉蓋三十年其行名宦纔數月爾嗚呼何起

之... 之身... 然君子... 疾沒世而名不... 不... 與名勳... 其親... 無聞而歿者亦可以無憾... 君子... 學問... 而朝... 事親... 孝於二弟... 友愛爲人... 恭儉... 廉... 子... 不... 也... 曾... 祖... 益... 祖... 諱... 知... 進... 世... 居... 開... 封... 廩... 廷... 以... 考... 諱... 昌... 始... 仕... 爲... 贊... 事... 郎... 開... 州... 司... 戶... 參... 軍... 夫... 人... 秦... 氏... 先... 夫... 承... 讓... 之... 女... 也... 後... 君... 四... 年... 卒... 雖... 除... 君... 喪... 猶... 布... 衣... 蔬... 食... 以... 終... 其... 身... 平... 生... 端... 烈... 類... 如... 此... 子... 二... 人... 長... 曰... 弼... 有... 學... 行... 次... 末... 名... 女... 二... 尚... 幼... 以... 卒... 之... 年... 差... 於... 開... 封... 府... 雍... 邱... 縣... 大... 善... 鄉... 裴... 村... 西... 谷... 田... 村... 之... 原... 先... 府... 君... 之... 兆... 初... 君... 妻... 事... 期... 迫... 不... 暇... 納... 園... 堂... 之... 龜... 墓... 夫... 人... 曾... 祖... 諱... 昌... 始... 仕... 爲... 贊... 事... 郎... 開... 州... 司... 戶... 參... 軍... 夫... 人... 秦... 氏... 先... 夫... 承... 讓... 之... 女... 也... 後... 君... 四... 年... 卒... 雖... 除... 君... 喪... 猶... 布... 衣... 蔬... 食... 以... 終... 其... 身... 平... 生... 端... 烈... 類... 如... 此... 子... 二... 人... 長... 曰... 弼... 有... 學... 行... 次... 末... 名... 女... 二...

冠我羣英大遊孔夷其御又良開闢玉堂行矣翺翺慶者在門吊者在閭胡玉且世為嗟吁如霆忽厲風雨奄至俯仰而闕孰知其自大椿久榮朝菌暫敷竟復何殊同于空虛情渠之瑞祀國之疆佳城蒼蒼刻文是藏

元姚燧白僉事棟墓碣銘

彥隆始由太原養行至河內致其父善魯齋先生願游其門未有介也乃因吾友翰林侍讀高凝得操几杖主凝家二年而歸侍其親而先生亦召北矣尋由避宅左揆以集賢館大學士祭酒學教貴胄乃奏召舊弟子散居四方者

被後王梓自蘇州思永蘇郁自大名耶律有尚自東平孫

太原十二人者皆驛致館下三年善積或病告而先生亦
浩乎其歸乃奏有尙與公從仕郎國子助教昔者貴胄友
也一旦能橫經下心事之爲難雖是曹不可得其難然此
而祇侍裕廟東宮以國史編修從仕郎仍助教擢奉訓太
監察御史發阿合馬職貪贓不法又糾慶節西京宣慰
使剗剗沙皆庸懦縮首危者而變風節者戒律之出貪
西漢中道提刑按察司事公位憲諸君下會玉相府自不
花若丞勳臣子朝翁家老將吳禮公其按臨諸司皆拱護
者改僉河南河北提刑按察司事云云又改僉燕南河北

道提刑按察司事。趣裝其考已疾，行至衛而卒。公與兄楹卽藏衛西輝之蘇門周卜村南原，而其妣亦疾，乃朝夕哀死。事生卽教授於輝。明年燧召直翰林，感其毀瘁，骨見表，吊哭之。予其徒數十人，拜庭進退，朋讓賓敬之道。然先生成法也，爲嘆曰：嗚呼！燧亦先生弟子者，何嘗有以善及人如是。明年燧疾滿告歸，鄧而故還農，鄉侯語。隆或河南北農副制下，必墨線以出世，議隘薄自便，非時燧備車過衛，不可留，不得身見，爲書語其然。聞方督課有績，其妣亦卒，耐其考，莫竟以是謝所事。以至元己丑秋八

月三日，年四十六卒。苦慮爲平學，可以節行，可以節俗。

而已是哉夫人甄氏以處平昔善公徵河南北道然者也
仗苟宗道埋漆求銘神道勇 竇之一技淚擲筆 公皆有
不能叙其事夫冬以史事又召入翰林過輝夫人 謂公豈不
夫人爲言且使其子單馬與遊其門者庭拜嗚呼 氣英爽
義行家能使夫人如是切切惟恐沒其夫子一善 謂之曰
已公偉棟考天祿雖官而不顯居頤樂堂號頤樂 公聞之
曰自古五十年不稱天公是不盈天道未曉學不 早歲能
譽先師道不行耶謬廟幣知職不舉耶三憲著 效以諸生
非耕播之教况冠帶肅敢言入難彈射柄臣聽 者皆學復
收其外未及其內親親於喪觀婦於介扉之 匪善道之笑曰

新編行志 卷五十二 藝文志

有光月三 卷三十一 三五九
非我友私月旦章章嗚呼白公耳孫猶令其實乏者士
遠滋勁士不盛位而盛吾賢盛位者衰盛賢日進
踐有剡其首碣石阡隅千祀不朽 現有

明趙南星光祿寺少卿馮元靖墓誌銘

姜肅庶

今上欽明寬簡侔德堯舜冲年踐祚江陵擅權統
之疾用賢圖治幾察上理執政者弗便也漸售其
私為權除不附已者而佯救之以卸過公論不容皆
去本倉之負恩遇尤甚上遂厭薄臣下以無人為
者考最
不復用奉司幾盡執政具員耳封事一切不報高
調吏部

其所以不悅勢不得復留去於是其本官故元

惟其所欲爲而已內察名士皆不得免馮元靖其喪
元靖名上知獲嘉人世爲顯族祖一泉公父司訓
才學剛心疾惡一泉公爲諸生得罪邑令被斥司
得舉舉詳具余所爲司訓公墓志中元靖生而神
孩提時一泉公偶有所督過司訓公元靖之姑母
而曰賢而祖撻若父母奈何元靖應聲曰皆代之一
泉己生銘喜忘其所督過也一泉公猶及見元靖
舉元靖而耶得文秀薦超特爲諸生時督學王公
乃太倉相之弟又不本試藝竒太倉使問之曰馮
生甚竒何不首乎名寒猶曰固知之恐其年少易
驕耳及成進士見太倉具靡一可

余鑒不爽也試爲安肅令上官無不一見而敬異
民無不一見而親愛之者積猾大豪人人斂戢與
侵寬者得拜職入告令與所告俱至而說之類
獄及累年不結者上官悉以下安肅訟老固履之
得觀白日又無淹繫無疆禦之枉撓吏卒之求索
之輸於郡中者胥吏勒取增羨以爲常至安肅獨
衝又近京師多驕貴絕不屬傳稱過賓有御史陳
子應秋試用馬太多裁之幾輔吏治行無先元靖
後陞戶部主事無何調兵部丁酉使典楚試餼而
其時分校者所取士生同不教勸以其人當爲臺

靖乃一一圖其文或否則求諸擯落者以是號得人試用
讎鹿鳴矣而直指趙文炳私讎之文炳宵人也起家鄉舉
恒恐人輕之而元靖又新吏部其視之無非輕已者文炳
曾劾蔣吏部時馨削籍其當而時馨善結納多爲稱冤者
富平孫太宰老而復極力救之不能援文炳懼遂上疏以
劾時馨非臣之意乃爲兵部侍郎沈思孝等所誤以此求
見容至是向元靖言蔣公君子也余劾之悔甚元靖曰何
所聞而劾何所見而悔文炳既不勝愧恨而是時同年麻
城游令吏部已擬臺省矣文炳欲敗之示風力元靖適語
及之甫去則飛章言元靖枉道出麻城受游令二百金爲

作說客元靖抗疏得旨竝勘而文炳俛同儕爲言直指與所劾並
勘傷憲體乃釋文炳及勘者具言麻城非枉道受賄事無據明白
矣而吏部猶覆劾南京元靖家居遭司訓公之變服闋而起南工
部陞戶部郎中求使事歸而遭張太安人之變皆得盡其誠信庚
戌服闋起北戶部郎中時宮殿爲軍火所燒正陽門樓又災元靖
上疏言陛下聽小人之言謹言下詔詔貂璫四出發天地之藏侵細民
之利悉歸於御府使海內竭涸億兆咨嗟加之饑饉薦臻
流冗翳路其壯狡者悉聚而爲盜又九邊軍餉不以時給
恒多虧減而山西三鎮三年之間負欠至八十萬此皆執

以狹終易於作亂今食既如此矣一旦內外交亂朝中

孰爲伐謀折衝者乎城門一閉臣不能爲陛下計矣
不報時臺省氣甚張直欲令人匿影遠避見之當垂頭
古無論不敢撻之卽言及國家事如蔡翰林毅中沈比部
應奎皆爲狂妄立去之元靖乃昂昂檀檀以人倫清議爲
已任吏部諸君數以人物訪之輒直言其所知李道甫司
徒忽爲臺省所攻卽署有佐之者顧叔時上書當道救之
蕭太宰審以問元靖元靖曰此亦易知第觀其攻之者與
救之者爲何如人耳其草愈益切齒而元靖陞光祿少卿
遂曠南科斲之爲內察張本然其輩視天下無可畏不復
噢謀被已氏出使過家卽言元靖及章元禮等禹州王信

甫及其弟維則皆朋黨遠近共聞之矣元靖忠孝天植其
視人決無可爲惡之禮其視人之爲善決無可容之理而
其疏融之識恢卓之才直往不懼之勇真足以爲善安肅
之政百城寡二而御史陳姓者以私憾是之不使入臺省
俾爲吏部必有可觀而趙文炳蟻之滄州幾二十年纔轉
一光祿而遂中以吏議元靖轉官時亦不出使家居與其
弟元獻子穉仁繙經譚藝爲老焉之樂而穉小猶恐其出
也竟借內察以處元靖等諸人而禹州兄弟皆橫被口語
元靖平生素壯一病竟不起善類感痛敬之元靖生於嘉

嘉祐六年十二月九日卒於葛隆丁巳十一月十二日年五

十九耳娶宋安人先卒子一兆麟卽穉仁廩生娶都鄉史
孫從女繼娶于戶錢紹賀女女一適生員王濬德孫一
伯照聘經歷郭盤女劉出元獻與穉仁卜以戊午之十月
與宋安人合葬於可訓公之側穉仁持元獻之所爲狀來
屬趙子爲銘趙子病未幾也今年庚申趙子復起方元請
之卒也外人皆曰以貶官而鬱鬱元獻曰余兄殊不以官
爲意趙子曰昔仲尼去魯作雉噫之歌不擇魯耶豈以司
寇哉余丙辰冬而病明年春而聞元靖之貶也而又聞其
死也五內剝裂以至今年而復起若小人者皆能使人鬱
鬱而死則君子無類矣彼揚揚而死者豈少哉猶萬萬笑

新刻... 卷之... 墓誌銘

而被格耳豈足道哉元靖歿未幾而建酋入犯破城隕帥
辱國不可勝言朝士中不聞有老謀壯事竟如元靖所云
翁曰吁嗟昔賢未見此時白日晦盲市有舞鷄聊求曾臣
太阿是持貨之專魯詎足爲誓願忠則售懷才則訊矧惟
若人侷儻瑰竒甄惡龍文鷄駭鳳姿方能相挽豈容奮飛
百里之外長駕莫施蹀躞俯佩歿不及衰子孝且才獨漉
同悲賢良俱盡國步跼危醜虜憑陵曰將宋之孰念夏辱
先見孰思燕趙之聞乃生窮奇如將大車祇自塵兮誰乘
此成云胡不歎幸而未死據憤勸詞元冥杳茫黃壤有知

公諱士標字公幹別號中水姓郭氏河南新鄉人其祖自
白期初有諱欽者始居邑之定國村歷四傳至孔嘉是為
公高祖考孔嘉生名山縣主簿千之千之生蘇州府同知
蒙吉蒙吉生四子其次曰湜明禘宗朝為禮部尚書季昌
澆仕至陝西布政司參政公第三子出後尚書公以廕為
官生郭氏故世族尚書公兄弟皆以進士起家貴盛甲其
里中子弟多翩翩自喜公獨深沉有大志自命偉然不屑
為貴游豪華縱慧其難易義侯張亮諸君皆嘆奇之年十八
尚書公歿居喪盡禮持身治家斬斬有法度繼公尚書公
未膺郵典伏闕抗疏陳請卒得俞旨賜祭葬如例人以此

知其能無何叅政公受命分守河西是時流寇猖獗秦中
大亂叅政年已老其長子失明弗克繼將單騎之任公蹙
然曰當此寇盜熾時奈何令老親獨往吾輩願優游家食
乎卽從叅政公赴陝至則日夜籌畫思所以撫柔百姓捍
禦盜賊叅政用其言勦賊屢有功旣而入河北叅政以
鄉里爲憂公則復自陝馳歸佐郡縣事完賊池修甲兵
召募壯士爲守禦計一方賴以安堵寇亂退有司上其事
於朝以叅政公名奏聞憲帝賜璽書褒美叅政公實宦遊
未嘗知其事也居三年叅政卒於官二子相繼歿公益孤
立無所倚而大河南北乃歲大稔

起遊益多州縣多被劫掠公以一書生外爲鄉里謀托息財
其甥安煥福內庄家政代兩兄撫親諸孤衣食百濟雜然
待其咄嗟指惠無不辦具當是時也人咸以經理之才屬
公公亦慨然自負留意天下事思出其才以有爲然終以
不遇而賦勢益張國事益不可收拾洎李自成陷京城懸
帝旌公遂絕意進取其才卒不見於施行君子益深惜焉
公素有志聖賢之學自其從參政公在陝雖軍旅倥傯暇
則補與議論經史費幾同難不少休旣絕意進取乃益肆
力於學問家居日取五經諸子下逮宋儒語參沉潛反覆
究厥指歸擇其純粹者纂而錄之都爲一集會蓉城孫敬

爲書是儒高懸門公出所學相正徵君一見傾服議論往復多所得契始公雖力學不倦猶自以爲無所師承未敢堅信不疑及是乃益渙然無所惑忠其學不自表暴以力行爲先務於孝友睦婣尤所加意事母及本生母兩得其歡心數十年人無間言本生母卒降服心喪三年如古禮撫幼弟若兄子授產授室與已子均厚子宗族建祖祠墓祠歲時祭掃大會族人習禮其中置祭田以供費祀有餘則以饌族人嫁娶喪葬費立家會集族之能文者月一課之又擇其文之優者分令教族之子弟精神家傳以爲焉

系陳世壽爲六行之士朝朝日日無他若公者所謂

內行醇備實足以垂法後世至其仁義之心遇事輒發
時嘗所有賤人不贈鼎革以後士人或轉徙不能歸予遂
里費令復其所婦女爲兵掠者贖而歸之其利澤及于人
者蓋亦不可勝數也嗚呼是足以觀公之大槩矣公生於

萬曆三十三年乙巳七月初一日未時卒於康熙二十六年

年丁卯八月二十三日酉時享壽八十三歲元配呂氏繼

娶余氏陳氏子男一人晉熙戊午科舉人陳氏出孫男二

塘恒煥燻今將以康熙三十一年壬申十二月初七日葬公

於魯壘祖塋謹次公行事來請余銘惟余叔王父忠肅公

出尚書公會試所取士當尚書初歿時嘗信公於喪次一
見妻爲遺囑時時向人稱道之余自幼至今聞公名其然
故按狀所言書其大畧如此至於公抱用世才寧隱約以
老終不復思一試其志有可悲者公不自言其故公亦不
得而詳也銘曰猗歟郭氏代有顯人公產華閭其才
恥彼鉛刀厲者鑄卒不施以昌其學教行于家仁溢
里身則隱焉德配茂只鑽石埋離解稱厥情維公塵壤後
其有徵

附朝劉統勳黃岡令暢公于熊墓誌銘

世澤于熊字光耀號敬修都朝... 論神子兼... 已...

進士歷階工科給事中 祀鄉賢諱泰兆公孫順治丙戌興
人贈主政祀鄉賢諱策公會孫先世籍山西陽城縣
奉詔來遷河南衛郡之 齋 齋 齋 齋 齋 齋 齋 齋 齋 齋
岐嶷文思清勁有孝感 熊相國風稍長卽與諸名風遊請
書辨析異同帖括一秉先正而尤矩矱荆川今讀其問世
諸作神骨氣味愈研愈精亦與荆川吏部中丞時文相倣
也康熙壬寅補博士弟子員越雍正甲辰應捷成進士其
年甫十九齡耳儀封宗伯張清恪公以才品兼優保舉引
見世家憲皇帝溫語褒嘉有人去得之 首辛亥秋授黃
岡今圖楚北劇邑也君少年老成利興弊除五年內操縱

指使洞中機宜案牘少暇卽以文章自娛聲色貨利槩屏
絕之如徵收銀米不重分釐不盈顆粒建義塾延名師勤
月課定甲乙今編修萬君年茂進士程後濂鄉貢王如旦
輩皆其陶成賞拔者也學宮湫隘捐俸倡修邑治東北
舊有問津書院爲諸生下帷處資以膏火絃誦不輟乙卯獲
雋十人丙辰鄉舉又十五人科名鼎盛有明徵矣故多訟
獄君以哀矜行平中小大之情靡不畢照大吏廉治狀檄
代郡案陳牘次第裁決而麻城徐如松妻命案尤遠邇口
碑美世不磨者民以幼聘之婚多爲外家談貧寒盟君論

以大義與送完聚堯風或故古處直龍

公精不人皆代償之奉文攢丈洲地扁舟規畫賦不據而
費不煩豫省設普濟堂不遠千里資金以成德意制府
其同日惠我嘉師其樂善不倦類如此乙卯春纂輯邑志
克成善本乃八月患瘧遂不起距所生丙戌僅三十春秋
彌留際語不及家事但念年力盛壯當此 聖明之世

稱真由忠孝兩虧飲恨泉壤也蓋君性至孝先是尊先
留滯江南跋涉者再及今黃具慶就養溫脩不懈伯兄逸
率孝廉爲豫中名下士君質疑請益儼若師弟居官則輦
之借至屏于兄所後母加意愛敬不替所生元配輝縣
孟氏繼娶磁州張氏俱望族孟孺人于歸七載賦性賢孝

相夫成名惜不永年一女字士人先大夫與迺祖黃門公
爲同年友余甲辰通籍又與君同出一門孔李之好相知
最深爰擇行狀所紀并風所切磨紀其梗槩系以銘曰陳君
世族代有偉人繩繩繼繼以及其身弱冠爲文蚤成進士
年不配德竟喪其志俸取養廉蕭蕭囊橐政在寧民四野
咸樂祇父恭兄廣庇夏屋仕優而學中行獨復雖憐伯道終
擬于公携爾故劍永保遺封

國朝湯斌孫徵君墓誌銘

康熙十有四年乙卯四月二十一日前明萬歷庚子盛人

徵君系光生卒于軍際夏降之歲第一時監司部系之末

先生方以自其... 不絕城內外... 先生堅臥不起故天下稱爲徵君云先生諱奇建字啟泰

號鍾元保定之容城人高祖端曾祖廷寶皆有隱德祖臣
嘉靖辛酉鄉薦任河東鹽運司運判以清慎稱父丕振庠
員授儒官孝友著聞母凍菑人兄弟四人兩兄奇儒奇選
俱庠員弟奇彥以貢仕武城令先牛少時慷慨有大志十

■歲謁楊尙寶為補庭問在圍城中無糧芻無救援當

節之何先生應聲對曰効死勿去補庭曰此足卜子生平
矣補庭者忠愍公子也十七舉於鄉居不畜一錢郡邑
創致膏火資悉以奉父母兩居父母與治喪一準古禮備
兄弟廬墓創飲食必祭風雨霜雪必祭人前後六年如

一日善野人曰少年安能功名

取本... 向來氣質之偏... 學問實得力於... 云
居京師見曹... 子公舉仁... 以告恍然此心與天地萬物
相通時... 城左忠毅嘉善魏忠節長洲周忠介以氣節相
高一見先生皆傾蓋定交高陽孫文正公督師關門鹿忠
節為... 謀約先生同遊塞上徧覽山海形勝指畫如掌孫
公惻共... 喪時事急辭歸語... 元儀曰將相不合未有能立
功於外者公信不愧言甫... 時不可何天啟末年逆... 竊
柄左魏周三君子相繼... 迹... 自... 羅... 布左右先生
與... 人張果中拮据調護供其... 體且告之曰... 靈
總是... 恩... 諸公主... 宜... 定... 靈氣活然... 夢... 無人其子弟僕

從履衝嚴辦莫敢舍者先生與鹿太公爲之寄頓左嘗督學
三輔又屯田有惠政時議舉職至二萬持節備至先生與
鹿太公謀設匾建表於門曰願輸金故左督學者聽於是
鄉人投題者雲集左既擢死則又按籍徵數魏與周各坐
贓五千嚴刑酷比先生咸倡義陳金以應之去京師不二
百里舉旆建鼓不畏聞知潮亦竟不知也當事急時遣弟
奇彥同鹿公子化蝶馳開門上書孫公求援卽具疏以邊
事請陛見面奏機宜都門喧傳公將興晉陽之甲閭夜繞
御床而泣公抵通州函降首勒回公回而諸君子不可救

而世徒以節俠視之過矣容氏弟光先以時烜宰箠士
夫介所知送名馬以家貧不能具芻菱辭再致權林之需
以病軀不能乘辭待小人不惡而嚴類如此崇禎戊辰督
學御史李公蕃舉孝行奉旨建坊旌表給二丁侍養丙子
容城被圍土垣將圯窮晝夜拮据修築先生指授方畧士
民協力捍禦城賴以全事定巡撫都御史張其平恤刑部
郎胡向化交章聞於朝特詔褒嘉兵部尙書范公景文聘
贊畫軍務固辭不就時寇氛漸逼都城携家人五峰結茅
雙峰親識從者數百家修武備嚴教條所以整齊約束之
法甚備更與其徒講學習禮賦詩倡和弦歌之聲相聞當

兵戈搶攘時雍容禮樂盜賊睥睨不敢犯嗚呼先生之不
用於時豈先生無意於世蓋亦知天運之不可回也我

朝順治初祭酒薛公特舉長成均以魯齋之任相待中外
大臣推轂相至先生絕意仕進移家共城闢兼山堂讓易
其中率子孫耕稼自給筆瓢屢空怡然自適而道德闡於
遠邇負笈來學者日衆有大僚歸老於家一見北面稱弟
子者有千里遣其子從遊者公卿持節過衛源不入公署
鼻息翳從以一見先生爲快先生涵養益遠自強不息每
晨起謁先祠畢退居一室澄心端坐卽疾病未嘗有惰容

後人無貴賤少長各得其道與後學各

窮晝夜不倦子孫甥姪數十人拱讓進

云間門

內外肅肅穆穆寂若無聲而諸事俱有條理嫻族故舊恩義篤厚爲之經理婚姻喪葬惟力是視聞節孝事必爲之表揚先賢祠祀廢墜者必倡衆爲之修葺見人家庭乖違與父言慈與子言孝緩譬曲喻必歸於道而後已故賢者於其誠不賢者服其化卽兒童牧豎無不歡喜尊敬至于事變之來衆人震撼不知所措公處之裕如未嘗有幾微動于中也其學以慎獨爲宗以體認天理爲要以日用倫常爲實際嘗言七十歲工夫較六十而密八十工夫較七十而密九十工夫較八十而密此念無時敢懈此心庶幾

又曰生平所見有時而遷而獨知之地不盡自欺
得理二字是千聖真脉非語言文字可以承當
卽在事上見言已卽在人上見言高遠在卑邇上見言上
達在下學上見戰兢惕厲不敢將就苟認惟是蕪穢而已
所著書共一百六十五卷嘗嘆世之學者不務心得株守
繇籬物我未化先生真見道之大原無建安無青田惟以
庸德庸言直繼天命原初之體可謂千聖同堂造化與遊
者矣云云

國朝薛所繼楊公文秀墓誌錄

公諱文秀字右君號榮竹水部正政東始之父世居所以

西戎父曰先夏公通詩書能文章敦厚溫醇古不
之流也乃恟恟以孝弟力田終其身三子公最少氣貌素
聖言動不苟父異之年十六慨然發憤謁賈誦生下帷詩
書貫竒其志而教之三年歌在泮稱一賢之雋胸懷磊落
於家人生產泊如也每讀史至古名臣如張釋之子定國說
君子未嘗不反覆吟翫想見其人故樂善喜施尤好爲人排
解紛難閭里不能自給者濟之事不得其平者以身直之
崇禎己卯流寇吳中原邑侯登際擇樂公躬親指畫倡議
修葺撫軍上其事賜褒嘉焉兵燹後士多徙業公課子不
少懈乙酉大比士東始領鄉荐丙戌捷南宮公猶以治理

未稠仍命讀書孝經世典故傳云子之能仕父教之忠公
殆行古之道與丁亥東始對策成進士授江寧司李公曰
張釋之爲廷尉獄無寃民于定國爲廷尉民自以不寃古
今賢之爾職刑民與廷尉等其無寃者父言隨之任東始
每出鞠事退必問今日治河獄平以若何當則歎後異於
常時有弗當輒拂然不樂東始亦憐公志小大之獄必以
情補衣使者至嘗秉燭治爰書公曰人爲至重死者不可
復生勿厭勞我爲爾檢之情何於情公曰指出釋解網羅
上聖使遭之得釋者八人今江左

國壽公之故也以單恩受封

三事公歸里踰年疾作時水部有造舟淮上之役疾馳省視未至而公遽卒易質惟篤念水部遺教以作忠云時少子及二孫在側公視之曰讀書爲好人餘不及私爾留之際有治無亂誠古人所難也公生于明萬厯辛巳七月十日終於國朝順治甲午十月七日年七十有四公配董孺人生二子長卽毓蘭丙戌進士工部屯田司主事娶歲貢趙時英女封孺人次佩蘭廩生娶儒官楊汝梅女女二長適庠生呂好儒男麟徵次適生員蔣人吉早卒孫二長深聘廩生張鳳起女次徵聘乙未進士周嗣昌女孫女三長許聘廩生杜於芑男肇碩次許聘增廣生員孟克類男

銑三許聘廩生郭治華男宗彛卜以順治十二年十一月五日葬公於高村隆岡之南銘曰伯僑之裔因采氏揚瞻茲哲人徽德孔彰有子能仕作室肯堂察獄以情江表稱平恩綸載頒三錫攸榮

國朝衛肅海豐令王公會墓誌銘

故海豐令王公會歸窆有日其家孫鑿走織屬肅銘其墓肅與公子永健同舉於鄉咸誦莫逆而公孫綴館中前輩也昕夕相從頗得悉其家世梗概是用不敢以不文辭謹按狀公諱會字福川號玉行世居洪洞明初遷延津一經

傳世有德惠六世卒葬公墓首實與公之墓同

公大父生漢傳公諱慶章以孝義著稱徵鄉飲八
子也幼不好弄讀書日數行下癸巳恩科擢經歷
親老不赴南宮試雍正六年應賢良方正

請揀發廣東以知縣用公爲人嚴明善斷遇事能持大體
而愷惻天成常慨焉以利濟蒼生爲己任其之粵也會封
川奏開金礦大吏委公督辦公曰山谷險巖而開利寶以
招無業之民恐滋他事不便於是兩憲乃會摺奏罷是秋
委署南雄通判明年署陽山令縣隸叢山中民徭雜處秋
熟劫掠爲患公親蒞彈壓恩威並著徭人馴服奸豪吳姓
盜買劄符冒軍功倚勢凌轍不軌公廉知其三十年前會

夷縣役竊心疑之而未決也會吳以事到官閱其符有補
直痕且得功之年卽服役之年乃立發其奸偽狀寘之法
陽民稱快其諸明察類如此明年題授海豐邑歲患海
濶飄沒田廬禾稼無算公往來相度議築防以捍其衝諸
丞倅以工程浩大交口沮之公曰苟利於民何卹焉捐俸
僉修建海墾四十餘里是歲潮水倍常而禾稼無恙邑人
至今賴之事詳海豐縣志瀕海多盜懸案積十餘年無從
以詰公設鴻偵捕獲其渠魁數人一訊而服遂定爰書自
是豐民夜不扃戶矣素性勤敏案無留牘初下車訴事者

以千數公判決如流勤愍交施不啻年訟獄衰息已乃

之思未幾以礦徒事論劄去官公在粵四年有章疏凡
社一佐郡治揭貧吏嚴私徵雪冤獄剔衙蠹屏絕干謁
無雜寶蚤夜孜孜凡有害於民者無不去有利於民者
不爲計所學畫張施類不屑規規一時計而遽爾挂
獲竟所欲爲良可惜也豐之人傾城出餞攀轅啼泣絡繹
於道建生祠立去思碑蓋公之惠德在民具可想見矣歸
里後杜門習靜坐卧一編琴鶴之外無長物每春秋佳日
偕二三老友逍遙杖履詩酒言歡教諸子若孫先行誼而
後文藝凡俳優韻曲招朋酣宴之場皆飭不得與延爲南

北孔道每當名宿駐臨必衣冠肅迓命子若孫再拜請教
公子永嘉永健先後膺鄉薦公孫毅成進士官侍從玉樹
芝蘭盈于庭砌公光先德而裕後昆豈有既耶銘曰人壽
幾何惟德不朽延士之宗粵民之母載光于前以昌厥後
鬱鬱佳城既安且久

國朝申允恭李公淳墓誌銘

延有德行醇篤文學淵雅無遠近親疎皆稱爲君子人者
曰蒲菴先生姓李氏諱淳字霖夫先世晉之澤州人也明
初有諱真者奉例遷延遂世爲延津巨族真三傳至珩珩
生澍俱贈光祿大夫使部尚書自澍又三傳是爲先生之

曾祖諱夢禎崇禎戊辰選拔仕至山海關通判生少參
諱煊順治壬辰進士仕至雲南洱海山東東兗監司少參
公三子長諱適授文林郎歷直隸東鹿山西永和金季諱
象椿授獲嘉縣教諭先生實文林郎公少子也教諭公無
子遂以先生爲子生而穎異其學於六經諸史百家之籍
無不窺其文於騷賦詩歌古文詞無所不習而尤長於制
藝金質而玉色鯨鏗而春麗當髫年時老師宿儒已自以
爲不及應舉至京師自望溪東巖已山諸前輩皆交口許
可顧數竒屢躋場屋自爲諸生垂二十年始雋雋矣又抑
置副車然先生益肆力於文學愈深養愈邃文益闕深粹

密其尙志堂制菀論者謂羅艾不能過而卒無所遇獨爲後進所宗師指授者爲文皆有法晚年悉心心理學著四書釋註闡發程朱奧旨尤有功於先儒至其因物寄感吟咏性情則有榆園詩稿西遊詩抄學步詞數種風調格韵出入唐宋嗚呼先生之於學可爲勤矣平生恂恂訥訥退然如不勝衣與人言惟恐傷之而義所當爲則毅然不以利害阻卽欲干以私輒凜乎不可犯也其仲子香岑嘗曰若柔侍先君三十年未嘗見疾言遽色每當歲時拜掃及先人生忌輒慘沮流涕六十外猶不改也雖家庭燕語無一言及人不善見疾以凡舉告者雖當之必血之行其皆先

君濟其困屢矣後以事深相背負既而復大困仍請
求濟先君即濟之如初嗚呼先生之厚德可謂性之善
乾隆癸未授伊陽教諭至則鼓舞激揚不數月士風大振
先是伊士連數科秋闈輒報罷比乙酉遂雋五人而先生
移疾歸里魏君王官張君潏馬君希融皆伊陽乙酉鄉薦
士姓計偕入都數從余問先生起居後聞因問並涕出不
能止因言先生在伊陽時有耿生者年老貧甚顧持廉隅
義不肯干人飢寒顛死先生廉知之急餽以衣粟復捐俸
建義學俾耿爲師以教童子耿用是因少紓然耿未嘗報
謝先生未嘗自以爲德邑人兩高之某上舍坐小事將被

魏先生力爭於有司得釋上舍懷金入謁坐語移時不敢
出所懷退語人曰先生不可挽也嗚呼古義高風豈近今
之所有哉先生生數歲而孤卒能自力於學慎行其身以
發其名成其業而施及於後蓋年十八補諸生有盛名人
皆爲石渠金馬且夕可致乃頗蹇滯三十八中乾隆戊午
科順天副榜六十三授伊陽教諭越二年謝病歸踰年遂
卒年六十有六士論惜之卒後四年而齊岑舉於鄉識者
謂餘慶方始云銘曰種而不食積而不懼胡舛胡啻曰豐
後報後報伊何施於孫子仲也薦鄉誦起匪竟其施

雜錄

洪适隸釋云漢桓帝時李朝爲魏郡監黎陽營謁者和平
元年立張公神道碑於黎陽作歌九章頌之其一曰棊水
湯湯揚清波東流九折注於河滌盪塵滓趨朝歌縣以潔
淨無穢瑕公與守相駕蜚魚往來愍忽遺嬉娛祐此兆民
寧厥居其三曰朝歌蕩陰及黎陽三女所處各殊方三門
鼎列推其鄉時携甥幼歸侯王夫人肅穆多容光烝殺膾
鯉饗玉觴穆風屑兮起壇旁樂吏民兮永未央其他歌與
循無涉不錄張公不知何許人碑亦無考

前明修潞府時因拓南城穴土得物者三鼎一高尺許渾樸無華款似中鼎瓶一蓋古陶器鑑二質均文殊扣之無金聲時以爲瑞推官龍孚爲拓城三瑞記且綴以說鼎說曰鼎定也楚城得鼎是名鼎城魯城得金是名金城又鼎新也作新寓焉城定而民其新矣餅說曰餅盛也語有之城以盛民也又汲器也瓶而不靡井養不窮引養引恬用康保民鑑說曰城茲南離鑑卜其明向明而治化道乃成明德慎罰命之矣舊志本載建置中因物本微墳說涉附會姑存於此

雖縣公縣內有唐魏一殊論曰難奇城長如龍以石承之

其千餘年物也西有皂莢木一株傳始自宋孤豸於去已
半枯矣相傳每結一莢輝邑登賢書一人歷歷不爽至今
猶驗

郡有神禹岫巖碑向在潞府關帝廟今移西關外三聖廟
前乾隆四十年糧道黃公叔璈刻記于其下云不知何代
物或謂前明潞藩用以厭勝水災云考原碑在湖南衡州
府衡山岫巖峰上廣輿記禹祭衡山夢蒼水使者曰若欲
得我簡書知導水爾其齋焉禹乃齋三日果得金簡玉牒
其碑皆科斗字韓昌黎詩岫巖山尖神禹碑字青石赤形
模奇是也爾昌黎及劉夢得俱未見篆文望宋何子一遊

南岳始見碑墓本刻嶽之麓字高濶約五寸許俱難識衛
何以亦有之後得郡守程公啟朱記搆本方悉其源流程
公本楚之黃岡人康熙三年來守衛行笥有碑刻乃摹鑄
置此初非明潞藩時物也其記載沈鑑譯文云承帝曰咨
翼輔佐卿水處與登鳥獸之門參身漁池而明發爾興以
此忘家宿岳麓庭智營形擬心罔弗辰往求平定華岳泰衡
崇疏事哀勞餘伸禋歲塞昏徙南暴昌言衣制食隆萬物
具寧鼠舞蒸奔蓋共七十七字黃公之記特因傳聞爲錄
想當然語耳 晉書束皙傳載太康二年汲郡人不準盜

得竹書數十車其紀年十三年

夏以來主周幽王爲犬戎所滅以事接之三家家有
述魏事至安釐王二十年蓋魏國之史書大略與春秋
多相應其中經傳大異則云夏年多殷益于啓位啓殺
太甲殺伊尹文丁殺季歷自周受命至穆王百年非穆王
壽百歲幽王既亡有共伯和者攝行天子事非二相共和
也其易經二篇與周易上下經同易繇陰陽卦二篇與周
易略同繇辭則易卦下易經一篇似說卦而異公孫段二
篇公孫段與邵陟論易國語三篇言楚晉事各三篇似禮
記又似爾雅論語師春一篇書左傳諸卜筮師春似是造
書者姓名也瑣語十一篇諸國卜筮妖怪相書也梁止藏

一篇先叙魏之世數次言止藏金玉事繳書二篇論弋射
法生封一第帝王所封太歷二篇鄒子談天類也穆天子
傳五篇言周穆王游行四海見帝臺西王母圖詩一篇畫
贊之屬也又雜書十九篇周食田法周書論楚事周穆王
美人盛姬姪事凡七十五篇七篇篇首折壞不識名題冢
中又得鉅劍一 枝長二尺五寸漆書皆科斗字初發冢者燒
策照取寶物 及官收之多燼簡斷札文既殘缺不復詮次
武帝以其書付秘書校綴次第尋者指歸以今文翼之皆
在著作觀竹 書隨疑分釋皆有義說今紀年等書世多

卷下經籍類考先書指及元王書上單亦有詩解

仙翁山不詳所由名舊志以爲葛洪成真之所元王秋卿
嘗辨其非確鑿可信不然幾疑此山亦產丹砂矣

郡城築自東魏三面皆方正惟西北隅內收形微圓無圭
角故老相傳形家言此城行龍自乾亥太行山遷迤而來
因歎此以爲導迎且南北二門外一層皆西向亦開門受
氣之義先是舊缺東門土人比如甕形西北爲甕口東南
爲甕底一以引受一以收藏風水完固以故有明二百年
來至嘉靖間科甲聯翩宦望顯赫載在舊乘可考迨潞藩
之國拓城南面開東門遂至寥落聞其時有大蛇數百條
向正東騰空而去夫蛇龍象也豈蛇走卽氣洩乎

風俗通云應彬爲汲令王簿杜宣以夏至日請見彬賜之
酒時北壁懸赤弓照杯中形如蛇宣畏惡之然不敢不飲
其日卽得胸腹痛切病妨損飲食大致羸困攻治萬端
不愈彬聞之坐屢事思惟良久顧見懸弩曰必此也使載
宣於故處設酒蛇影仍在杯中因告以故宣頓冰釋病遂
平

神頭塔頂在西北三十里許香泉寺之南相傳有黑驢負
海外塔置寺中高峻宏大周圍皆砌以磚磚各鑄一佛像
空洞無階級可升在內仰觀直見天日蓋缺頤也一日黑

驢負塔頂每送於寺西爲土人所見遂敝之山披嶺亦

不見至今樹在香泉寺頂在湖頭亦不能言其因以名
其樹西樓並有古槐一株枝幹甚老周圍約四五丈皆
中空可容人上尋新生一枝青蔥鬱勃挺然成一大樹其
木枝葉辭刺仙幾幾歷久不朽相傳唐尉遲公掛欄處

諸儒王時珍寶庫失火及燒金銀等鐙為一因延壽鑿
者傳古法鑿之得三百六十座用生牛革裹之埋地下取
得土氣通古意也及遭亂留存不及取迄今竟無知其處
者矣海峽地名於世相傳有三百六十號但散四方本已
絕無藏之亦憾事彼時醫匠郭姓為製置藥磚約長五尺
空中以助琴音名郭工磚迄今尚有之然率多被損完者

甚少

德勝橋西呂祖堂祀純陽真人高歷二十年十二月二十四日黎明風雪交作道人忽見一青衣入廟俄不見遺一簡有詩曰唐朝進士酒中仙顛倒乾坤不記年今日衛源聊寄跡隨風披瀟灑霞天後迴回道入書墨跡未乾筆端飛舞非塵世人可及衆人奉動於石以誌靈異今其碑尚存廟中至白雲閣亦有此書未載

孫徵君音逢偶記西山白雲寺明末文安縣諸生王珣避跡於此依法林長老數十年無有知者其子原以生不識

文而為長甫愛室即胡母壽父既歿年既益艱苦得過於

貞節流抗歸

尹暉號芝仙浙江山陰縣人系出程門高弟尹彥閔之外
明崇禎間官中書精音律帝處之左右每彈琴至精卯卒
帝不覺擊節曰仙乎仙乎因號爲芝仙明末避寓蘇州家
伴山水志行高潔力敦古道孫徵君極重之樂與爲交兵
孫用正劄記康熙二十八年己巳江西南康縣孝子楊汝
貞年十二歲當逆藩之變被擄荆襄其母擄之河北托身
於輝民李新時痛念其子汝貞亦自荆襄逃歸徒跣尋母
至輝得遇其事與王原朱重暉同又邯鄲武氏隨夫避荒
蕪門夫死氏自縊以殉之數人雖不籍衛而事皆在簡故

志之

鰲來山在縣西北五十里傳自海上飛來與太行角崇卑至則懸而止神人援簪插其頭遂不能去今鐵簪尚存搖之則動舉之不起

新鄉縣北關白鶴觀中有劉海蟾仙蹟在石碣上筆勢飛動如龍蛇土人云昔年醮會士女雲集有丐者衣襤縷疥癩唐身持盃時蟾呼號廟中詔喃喃不可解人皆惡而避之數日乃向賣竹器者乞竹簾藉地憩息徐起謝曰多君厚意此簾勿輕售也以指書秦人劉海蟾遊此七字於

中有劉海嶠條胡謂欲動邑令聞之以三十金售

各憲行館中後爲某憲持去考縣志云係宋政和中

鶴觀在三官廟內證之今所見闕頗異

王士正居易錄歷城明翰林王公敕成化甲辰進士及年

第二人讀書卧牛山寺得書二冊知未來休咎行至輝縣

山中忽下輿拜曰文乃在此令撫地得奇石置之百泉書

院王陽明素推服其人

池北偶談張果中字子度容城人少從學于江村龐公善

崇禎列難賈大理寺卿左浮邱魏那園惡黨禍被逮皆主其家後從

孫徵君入蘇門高竊遠引卒葬夏峰村北原徵君爲之傳

彭了凡，靈縣人，舊爲諸生。甲申後游河朔，依孫徵君以居。土人授粟，不受，竟坐死。嘯臺旁徵君題之曰：「俄夫墓。」見池

北偶談

互見
卷五

河北偶談：理學和字寒石，西華人，本姓李，恥與闖逆同姓，故令姓有許文若。工書，後散軼。徵君嘗遺書西華左令恤其老母，幼孫鳩爲壽。是後一人予嘗作蘇門三賢詩云：

衛輝府志卷末

舊志序 康熙三十二年六月

巡撫河南氣序民大以勢垣務兼理河道兵部右侍郎也
都察院右副都御史顧 惠 票照得該府各屬申送志書
本部院已將核定合發原本前去以憑採輯為此票仰衛
輝府官吏文到卽將各縣志書酌採纂入府志內有批駁
發之處仍飭各縣改正刊刻另呈具府志定限兩個月內
先具清冊詳送本部院核入通志以彰文獻以垂永久毋
得遲延迅速須要

衛郡舊志序

張衍慶 兵部右
郎 禮人

嘗謂誌廼史之流裔郡曰誌於國曰史也周官職方氏掌天下之圖小史掌邦國之誌士訓道地圖誦訓道方誌凡以觀俗辨方察隱軌物以章章而化化也設官圖治之法未嘗不仰嘆往昔先民之作之善矣此誌之所由作也衛之誌漫無足證夫不作罔述其何以備物示象以信古而傳後不徵不信典廢而治無可稽矣此志之不可無作也雖然繁寡要失之燕諒寡斷失之固聞寡文失之陋附會寡核失之疑志焉用哉申公今之聞人也嘉靖癸未來守衛郡慨念衛在殷周俱爲名邦惜其誌散缺未全遂捐俸

其集以得是政規之星屏以正其域詢之耆舊以確其

經傳以悉其事夫首之以詞境王制

而賦物執著矣次之以人物詞翰勸戒明文獻備矣
不費於詞而其義是也不遷於述而其見遠也不率
私比昵於情而其心公共法嚴也凡璽方氏小史之
掌十訓以訓之所遺兼舉無遺百餘年未備之文獻六越
月而考成公之發言義淵亦既厥心後之考熙而驗治者
炳炳可稽惟不厥休矣其贊成之者祁人侍御阮君吉惟
一助教尚君賓君徵舊存草畧承委而參考之者郡庠教
授李君遇春相率生員劉希會趙時相輩同效勤勤其摠
理而大虞之者則公也公博洽優厚深於文者此特其餘

緒耳他如以文飭吏事豈弟孚而慈祥字暮月而民奠三
年而治成固本末體用之素具者有大君子錄而升之
不敢贊公諱綸字廷言廣平永年人

修志舊姓氏

康熙三十三年修志總裁官 河南巡撫顧汧 布政使

李國亮 按察使胡介祉 驛鹽糧務道祖文明 提督

學政陳義暉 河道周銓元

纂修官 衛輝府知府胡蔚先

分校 通判曹熙 府學教授馬振龍 訓導趙和

及縣進士李步辰 新鄉舉人任昌期 輝縣進士

獲嘉縣舉人賀振龍

洪縣進士高退昌

昨城舉人

趙吉徵

汲縣歲貢楊真瑞

汲縣拔貢王壽康

舊志既後

胡蔚先

郡人

汲郡古衛國昔吾夫子所稱庶富地也慨白明末海寇
歲凶慘罹寇氛蹂躪兼以疫癘大興民之死者皆帶縱
橫生者拋棄飽徒遂致丁消土滿其田曠廢舍葺爲坵
墟深沐

皇朝撫綏咻噢之恩流離而返生養蕃息漸闢污萊故稍
有起色究如大病之餘元氣尙未充裕雖戶口略增而
田多穰鹵維莠驕驕者彌望家鮮蓋藏素封絕少予塵

守六年稽之誌記詢之遺老所云稔悉貪瘠一鷹歲歉
流亡卽起殊費招徠幸俗安儉樸勤於耒耜無器訟心
所謂瘠土之民勞古昔之遺風猶在惟賴身任地方之
責者不事煩苛予之寧靜教養兼施庶免中澤哀鴻之
忌而曠土得以漸成樂土耳予捧

院臺續修順治十六年以後郡乘之檄自懸閣陋慮多
掛漏之譏粵稽舊志如禱紀自康叔肇封迄於衛君角
以洎鄉賢人物首列三仁次叙遊瑗史鮪史狗公子荆
輩下迨吳起苟變若而人舉凡言之有涉衛邢者統編
志內爰考詩經鄘風定之方首章楚宮箋注乃自

公爲狄所滅後文公徙居楚山營制宮室國人義之
此詩之所出作也按九域廣輿治書楚邱卽今北直大
名府之滑縣夫文公旣遷於滑不復來歸則文公以後二
十四君三百年間人物邱陵古蹟應繫之滑明矣胡以
夫子之擊磬處及靈公南子慕君子村伯玉墓諸事蹟
復載之衛志何哉竊意始輯郡志者爲元學士王秋澗
其人家於汲借水於滑爲桑梓榮故爾迨購滑志訂讐
源流根蒂而滑志亦復廣採窮搜遠掇顛項帝譽所葬
鮒鯁之邱旁撫豕韋氏參龍之井罔弗覩縷纂編旣詳
且盡矣蓋廉泉讓水居鄉者猶艷稱之詎春秋以迄史

記時如許國君沿襲紀傳諸聖賢出處事業闕世教而
繫人心者豈無文獻遺踪足徵反弗片詞述及則作滑
乘者焉肯自爲削色簡漏貽譏若是耶蓋亦必是有說
在也予故於衛君世系以及人物鄉賢未便因徙居楚
郢之文俾夫子擊磬深懷過化存神之跡并子思子路
子羔諸賢暨多君子千古出處大節述爾一筆剛削頓
使湮沈致無著落茲存疑仍錄於篇識以辨跋以竢博
洽多聞者續爲考訂

雜說

柘城三瑞圖

前明建封潁藩扶有一穴士得物者三鼎一高尺許渾璞無華蛇下之中鼎一蓋古時

文殊打之無金聲中倫
心能成時因得炳力用也

獸名以石爲之在北

文入此獸性耿直犛道狃倭

在縣西南二十里地安羣王葬處也晉太康二年

渡人不准盜髮得書數十車世號汝塚周書